

Padze 1

Eun passèn dézò eunna CLENDÀ, eun RATTE l'a iguérrou-se la chin-a PI.

Padze 2

Adoùn va eun tchì lo COURDOUGNÌ é lèi di :

« Courdougñi, pe plèizi, ramenda-mé la pi que n'i iguérrou-me eun passèn dézò la cllenda ! ».

« Mi oué ! » lèi repoùn lo courdougñi « Mi pe lo fie n'i fata de SÈYE, va me nen tchertchì ! ».

Padze 3

Adoùn lo ratte va eun tchì lo GADEUN é lèi di :

« Gadeun, pe plèizi, bailla-mé de sèye pe lo courdougñi ! ».

« Mi oué ! » lèi repoùn lo gadeun « Mi n'i fata de FAEUNNA, va me nen tchertchì ! ».

Padze 4

Adoùn lo ratte va eun tchì lo MOULENÌ é lèi di :

« Mouleni, pe plèizi, bailla-mé de faeunna pe lo gadeun ! ».

« Mi oué ! » lèi repoùn lo mouleni « Mi n'i fata de gran de MEURGA pe fie la faeunna, va me nen tchertchì ! ».

Padze 5

Adoùn lo ratte va trouvì lo TSAN de blou é lèi di :

« Tsan de blou, pe plèizi, bailla-mé tchica de gran de blou pe lo mouleni ! ».

« Mi oué ! » lèi repoùn lo tsan de blou « Mi n'i fata de DREUDZE, va me nen tchertchì ! ».

Padze 6

Pai lo ratte, dza lagnà, va eun tchì la VATSE é lèi di :

« Vatsé, pe plèizi, bailla-mé tchica de dreudze pe lo tsan de blou ! ».

« Mi oué ! » lèi repoùn la vatse « Mi n'i fata de FEN, va me nen tchertchì ! ».

Padze 7

Adoùn lo ratte, va ba i PROU é lèi di :

« Prou, pe plèizi, bailla-mé tchica de fen pe la vatse ! ».

« Mi oué ! » lèi repoùn lo prou « Mi n'i fata de tchica d'IVE, va me nen tchertchì ! ».

Padze 8

Adoùn lo ratte va eun tchì lo RI é lèi di :

« Ri, pe plèizì, bailla-mé tchica d'ive pe lo prou ! ».

Padze 9

Adoùn lo Ri baille d'IVE i RATTE que la pourte i PROU ;
é lo PROU lèi baille de FEN que lo ratte pourte a la VATSE ;
é la VATSE lèi baille de DREUDZE que lo ratte pourte i TSAN de blou;
é lo TSAN de blou lèi baille de GRAN que lo ratte pourte i MOULENÌ ;
é lo MOULENÌ lèi baille de FAEUNNA que lo ratte pourte i GADEUN ;
é lo GADEUN lèi baille de SÈYE que lo ratte pourte i COURDOUGNÌ ;
é lo COURDOUGNÌ lèi ramende la PI que lo RATTE l'a iguérrou-se eun passèn dézò la
CLENDA !